



Coimisiún na Scrúduithe Stáit

SCRÚDÚ AN TEASTAIS SHÓISEARAIGH 2013

STAIÉAR GNÓ – ARDLEIBHÉAL – PÁIPÉAR I

DÉ MÁIRT 11 MEITHEAMH 2013 – MAIDIN 9.30 - 12.00

ROINN B

(160 marc)

- Tá 40 marc ag gabháil le **GACH** ceist.
- Freagair **CEITHRE** cheist ar bith.
- Bronnfar marcanna ar obair, ar leagan amach agus ar chur i láthair mar aon le fóilíonna agus dátaí da réir mar is cuí.
- Ba cheart go dtaispeánfaí an lá, an mhí agus an bhliain sna dátaí.
- Is ceadmhach áireamhain a úsáid.

1. Ceist í seo faoi Bhuiséad Teaghlaigh.

Freagair gach cuid den cheist seo:

Nuair a scrúdaigh teaghlach Uí Fheinneadha a Leabhar Airgid Miondealaithe ag deireadh mhí na Nollag 2012, fuair siad amach go raibh difríocht idir a n-ioncam agus a gcaiteachas iarbhír sa dá mhí dhéag agus na figiúirí buiséadaithe (atá ar fáil sa Ráiteas Comparáide Buiséid *ar leathanach 10 de Roinn A*). Na rudaí seo a leanas ba chúis leis an difríocht:

- Tháinig laghdú de 7% ar thuarastail theaghlach Uí Fheinneadha.
- Tá beirt pháistí sa teaghlach. Laghdaíodh an sochar leanaí míosúil do gach páiste de €14 ó 1 Aibreán 2012.
- Bhí an t-ús iarbhír a fuair siad don bhliain 3% níos lú ná mar a bhí buiséadaithe, de bharr méadú ar an gcáin a bhí le h-íoc ar an ús.
- Bhuaigh teaghlach Uí Fheinneadha €1,000 i raifil i gclub áitiúil.
- Tháinig méadú de €75 in aghaidh na míosa ar íocaíochtaí morgáiste ó 1 Feabhra 2012.
- Bhí €30 níos lú ná mar a bhí buiséadaithe ar árachas gluaisteáin.
- Tharla dóiteán sa chistin i dteaghlach Uí Fheinneadha agus, dá bharr sin, bhí a n-árachas tí 15% níos mó ná mar a bhí buiséadaithe.
- Bhí costais teaghlaigh 7½% níos mó ná mar a bhí buiséadaithe.
- Bhí na costais ghluaisteáin 12% níos mó ná mar a bhí buiséadaithe.
- Bhí na costais éadaí agus bróg mar a bhí buiséadaithe.
- Bhí na costais solais agus teasa €12 in aghaidh na míosa níos mó ná mar a bhí buiséadaithe.
- Bhí an t-árachas sláinte 5% níos lú ná mar a bhí buiséadaithe, toisc gur athraigh siad a gcuideachta árachais sláinte.
- Bhí na costais siamsaíochta €50 níos lú in aghaidh na míosa ach amháin don dá mhí, Márta agus Nollaig.
- Chosain bronntanais €400 sa bhreis de bharr Laethanta Chéad Chomaoineach agus Cóineartaithe sa teaghlach.
- Chosain laethanta saoire an teaghlaigh 6% níos lú ná mar a bhí buiséadaithe.

- (A) Bain úsáid as an Ráiteas Comparáide Buiséid *ar leathanach 10 de Roinn A*, agus iontráil na figiúirí cuí sa cholún ‘**Iarbhír**’.

Taispéan sa hcolún ‘**Difríocht**’ na difríochtaí idir na figiúirí ‘**Iarbhír**’ agus na figiúirí sa cholún ‘**Buiséad**’. Úsáid comhartha **móide** nó **lúide** roimh gach figiúr sa cholún sin.

Nóta: Úsáid an comhartha ‘**móide**’ má tá an figiúr ‘**Iarbhír**’ NÍOS MÓ ná an figiúr ‘**Buiséad**’.
Úsáid an comhartha ‘**lúide**’ má tá an figiúr ‘**Iarbhír**’ NÍOS LÚ ná an figiúr ‘**Buiséad**’.

Sampla:

	Buiséad	Iarbhír	Difríocht
	500	800	+ 300
	900	120	- 780
Iomlán	1,400	920	- 480

(22)

Freagair na codanna seo a leanas (B) agus (C) sna spásanna atá curtha ar fáil *ar leathanach 11 de Roinn A*.

- (B) (i) Cén t-airgead tirim deiridh a bhí buiséadaithe i gcomhair dheireadh 2012?
- (ii) Cé mhéad a bhí buiséadaithe ag teaghlach Uí Fheinneadha le coigilt i rith na bliana 2012?
- (iii) Luaigh an méid a chaith teaghlach Uí Fheinneadha anuas ar a gcaiteachas iomlán buiséadaithe.
- (iv) Cén t-airgead tirim deiridh iarbhír a bhí acu ag deireadh 2012?
- (v) Mínigh cúis **amháin** a raibh an t-árachas gluaisteáin níos lú ná mar a bhí buiséadaithe.

(10)

- (C) (i) Tabhair breac-chuntas ar **dhá** phíosa comhairle airgeadais a thabharfá do theaghlach Uí Fheinneadha de bharr Bhuiséad ‘Iarbhír’ 2012.
- (ii) Ainmnigh an cháin atá iníoctha ar an ús a fhaigheann teaghlach Uí Fheinneadha.

(8)

(40 marc)

2. **Ceist í seo faoi Chuntas Club.**

Freagair gach cuid den cheist seo:

Bhí stoc tosaigh de €1,300 sa siopa ag Club Dornálaíochta na Carraige ar 1 Eanáir 2012.

Seo thíos achoimre ar bhearta airgeadais an Chlub don bhliain dar chríoch 31 Nollaig 2012:

Fáltais:	€
Díolacháin sa siopa	4,750
Ioncam ó ócáid tiomsaithe airgid Tarraingt Téide	3,670
Urraíocht Bhliantúil	5,200
Díolacháin Lató Club	5,900
Síntiúis	7,960
Íocaíochtaí:	€
Deisiúcháin ar Dhaingneáin	920
Ceannach Trealaimh	6,300
Árachas	6,720
Ceannacháin don siopa	2,900
Costais Lató Club	4,830
Solas agus Teas	3,625
Caiteachas ar an Tarraingt Téide	1,590
Ilchostais	5,320

Eolas breise ar 31 Nollaig 2012:

(i) Stoc sa Siopa	€900
(ii) Árachas réamhíochta	€840
(iii) Síntiúis réamhíochta	€140
(iv) Solas agus Teas dlite	€325
(v) Trealamh le dímhéas de 20%.	

(A) Ullmhaigh:

- (i) Cuntas Trádála Siopa don bhliain dar chríoch 31 Nollaig 2012.
- (ii) Cuntas Ioncaim agus Caiteachais don bhliain dar chríoch 31 Nollaig 2012.

(34)

(B) Ag an CGB (AGM) mhol an t-Oifigeach Club a thugann tuairisc ar na cuntais do na baill, go raibh gá le seomraí gléasta nua a thógáil a chosnódh €50,000.

- (i) Cén teideal atá ar an Oifigeach Club a thugann tuairisc ar na cuntais do na baill?
- (ii) Luaigh agus mínigh foinse airgeadais **amháin** oiriúnach a d'fhéadfadh Club Dornálaíochta na Carraige a úsáid chun tógáil na seomraí nua gléasta a mhaoiniú.

(6)

(40 marc)

3.

Ceist í seo a bhaineann le Tosca Táirgeachta, Caiteachas Náisiúnta agus Feasacht Eacnamaíochta.

Freagair gach cuid den cheist seo:

(A) Luaigh agus mínigh trí thoisic tháirgeachta agus an luach saothair/iocaíocht a bhaineann le gach ceann díobh.

(12)

(B) Thug an Rialtas na figiúirí seo a leanas mar Chaiteachas Réamh-mheasta don bhliain 2013:

Príomh-mhíreanna Caiteachais	Figiúirí Measta ina Milliúin €
Seirbhísí Sláinte	2,500
Oideachas agus Scileanna	1,750
Coimirce Shóisialach	2,000
Fónamh d’Fhiachais	1,500
Eile	750

- (i) Déan barrachairt chun an t-eolas thuas a thaispeáint *ar leathanach 12 de Roinn A*.
- (ii) Dúirt an t-Aire Oideachais agus Scileanna go mbeadh air roghanna a dhéanamh de dheasca acmhainní teoranta ina roinn agus go mbeadh deischostas ag baint lena chinntí. Mínigh **gach** ceann de na téarmaí a bhfuil líne fúthu thuas.
- (iii) Faoi láthair tagann an Troika ón mBanc Ceannais Eorpach (BCE), ón gCoimisiún Eorpach (CE) agus ón gCiste Airgeadaíochta Idirnáisiúnta (CAI) ar chuaipteanna rialta go hÉirinn chun monatóireacht a dhéanamh ar ár staid airgeadais, ar ár dtarrtháil bhanc agus ar ár n-easnamh sa bhuiséad. Mínigh an téarma ‘easnamh sa bhuiséad’.
- (iv) Mol **dhá** shlí ina bhféadfadh Éire an t-easnamh seo a laghdú.

(28)

(40 marc)

4. **Ceist í seo faoi Árachas.**

Freagair gach cuid den cheist seo:

- (A) Ar 1 Bealtaine 2013, goideadh iPad le Wi-Fi + Ceallach nua le mac léinn, Seán Mac an Iarla, An Ché, An Daingean, Co. Chiarraí, nuair a bhí sé ar cuairt ag a dheartháir Diolún i dTrá Lí, Co. Chiarraí. Thug Sean tuairisc ar an ngadaíocht do Gharda Sinéad Ní Fhoghlú ag stáisiún áitiúil an Gharda Síochána. Dúirt sé léi gur cheannaigh sé an iPad ar 25 Aibreán 2013. Bhí an iPad faoi árachas ar luach €569 le hÁrachas Mhic an Bhaird Tta (Polasaí Uimh. 525921RD).

Ar 8 Bealtaine 2013, chomhlánaigh Seán foirm éilimh dá chuideachta árachais.

- (i) Comhlánaigh an fhoirm éilimh le haghaidh Árachas Mhic an Bhaird Tta, ag baint úsáide as an doiciméad bán ar *leathanach 13 de Roinn A*.
- (ii) Cé mhéad cúitimh atá Seán i dteideal a fháil?
- (iii) Luaigh agus mínigh an prionsabal árachais a bhaineann leis an gcúiteamh a gheobhaidh sé.
- (iv) Luaigh agus mínigh prionsabal árachais a bheadh i gceist nuair a bhí Seán ag ceannach árachais dá iPad.

(23)

- (B) Cheannaigh Diolún a chéad ghluaisteán le déanaí. Tá sé 22 bhliain d'aois agus tá ceadúnas sealadach aige. Chuir sé glooch ar chuideachta árachais chun luachan a fháil le haghaidh clúdach tríú páirtí agus clúdach cuimsitheach. Dúirt an duine a bhí ag ríomh na luachana go mbeadh ualú curtha leis an mbunphréimh.

- (i) Luaig **dhá** chúis a mbeadh ualú ar arachas carr Dhiolan.
- (ii) Mínigh an difríocht idir clúdach tríú páirtí agus clúdach cuimsitheach.
- (iii) Cén teideal atá ar an oifigeach sa chuideachta árachais a ríomhann an phréimh?

(17)

(40 marc)

5. **Seo Ceist ar Iasachaíocht.**

Freagair gach cuid den cheist seo:

Tá Niall Ó Dálaigh, a chónaíonn ag An Trá, Bun Cranncha, Co. Dhún na nGall, ag smaoineamh ar scútar a cheannach. Tá taighde déanta aige ar chúrsaí airgeadais agus léigh sé faoi fhuilcheannach agus faoi iasacht a fháil. Rinne sé teagmháil lena chara Éanna de Paor, An tSráid Mhór, Maothail, Co. Liatroma, chun comhairle a fháil uaidh cé acu sórt airgeadais seo.

- (A) Dréacht litir, ag úsáid dáta an lae inniu duit, a scríobhann Éanna chuig Niall ina mínítear fuilcheannach agus iasacht mar mhodhanna airgeadais agus na ceartanna a bheadh ag gabháil le gach rogha (ceart amháin i ngach cás).

(22)

- (B) Beartaíonn Niall an scútar a cheannach ar €4,500. Tá na roghanna seo a leanas aige:

Rogha 1: Fuilcheannach: Éarlais de €350 agus 30 tráthchuid de €210 an ceann.

Rogha 2: Iasacht: €4,500 ar 10.5% RCB (APR) ar feadh 3 bliana, agus méid na hiasachta ag laghdú de réir €1,500 gach bliain.

- (i) Ríomh costas iomlán **gach** rogha. Taispeáin do chuid oibre.
- (ii) Cé acu rogha díobh a mholfá? Tabhair **dhá** cúiseanna le do fhreagra.

(18)

(40 marc)

6. **Baineann an Cheist seo le Pá agus le Daoine ag Obair.**

Freagair gach cuid den cheist seo:

- (A) Tá Pádraigín Ní Chatháin fostaithe mar phríomhchócaire ag Café Lani Tta. 39 uair sa tseachtain a gnáthsheachtain oibre ach uaireanta déanann sí ragobair. Is é a bunphá ná €702 ar sheachtain 39 uair. Íoctar pá ragoibre de réir am go leith don chéad chúig uaire agus am dúbailte ar uaireanta sa bhreis ina dhiaidh sin. I Seachtain Uimh. 26 rinne sí 45 uair oibre.

Íocann Pádraigín ÍMAT ar ráta 41% agus ÁSPC/MSU ar 10.5%. Is é a creidmheas cánach bliantúil ná €6,240. Íocann sí €24 ar Árachas Sláinte agus infheistíonn sí €50 i gciste coigiltis. Baineann a fostóir an dá shuim seo óna pá.

- (i) Mínigh an téarma ‘creidmheas cánach’.
- (ii) Comhlánaigh duillín pá Phádraigín do Sheachtain Uimh. 26 ag baint úsáide as an doiciméad bán *ar leathanach 14 de Roinn A*. Taispeáin do chuid oibre (*ar an leathanach céanna*).
- (iii) Ag baint úsáid as Duillín Pá Phádraigín sainaithean:
 - Ioncam sa bhreis
 - Asbhaintí Neamh-reachtúla.

(28)

- (B) Gach deireadh seachtaine, déanann Pádraigín obair dheonach le Focus Ireland, carthanas ar son daoine gan dídean.

- (i) An obair í seo, nó fostaíocht? Tabhair cúis le do fhreagra.
- (ii) Tabhair cuntas ar **dhá** scil atá ag Pádraigín a théann chun tairbhe do Focus Ireland.

(12)

(40 marc)

NÁ DÉAN DEARMAD ROINN ‘A’ A THABHAIRT AR AIS LE DO FHREAGARLEABHAR

Leathanach Bán

Leathanach Bán

Leathanach Bán

Leathanach Bán